



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel
Francofurti Ad Moenum, 1690**

Capvt XIV. Idem a Metensi Episcopo.

[urn:nbn:de:hbz:466:1-74544](#)

CAP VT XIV.

Idem ^a Metensi Episcopo.

EX litteris tuæ fraternitatis accepimus, quod cùm lator præsentium A. presbyter vellet fœnum de curru deponere, perticam superius alligatam, cùm neminem circa currum videret, proiect in terram: & cùm fœno infisteret deponendo, quidam prope ipsum accedens, puerum quandam juxta currum reperiit semivum, in quo præter modicum livoris in fronte nihil invenire potuit laſionis. Nos autem ab eodem quæſivimus sacerdote, si prius quām dejiceret perticam, circumspexit ſolicite, an eſſet aliquis circa currum? qui quod diligenter circumspexit, afferuit: sed quod vidiffet aliquem, denegavit. Ad teigitur remittentes eundem, f. t. per A. f. m. quat. si res ita ſe habet, niſi contra eundem presbyterum grave ſcandalum fit exortum, vel tantâ laboraret infamia, quod deficiente accuſatore oporteat ei purgationem canoniam indici, ipsum liberè permittas exerci officium ſacerdotis.

NOTÆ.

- I. ^a **M**etensi.) Ita etiam legitur in tertia collectione, sub hoc tit. cap. 2. De Metensi diocesi egī in cap. 14 de cleric. non resid. Huic decisioni omnino conforſat textus in cap. 3. hoc titulo, in 2. collect. ubi Clemens III. in hac verba ſimilem caſum decidit: *Scripsi nobis, filii Deane, & Capitulum, quod cùm R. Sacerdos præſentium lator ad petitionem communitatatis induſtus, Eccleſia adiſicationi diligenter intenderet, cùm compagno cuiusdam laqueariis vetuſtate atriti difſovere voluſſet, quidam famulus ſibi laboranti in auxiliū deputatus, licet premonitus eſſet, ut ab ipso laqueari ecederet, neglexit tamen, & id aure ſorda præteriens, cum laqueari ruit in terram, & hac occaſione poſtea duobus mensibus, & tribus diebus egrotans, relatuſ eſt humanis exemptus. Cūque ſu- per hoc valde tristatus, Authelegii tunc Epifcopi ve- bri mandatum, & conſilium requiſiſſet, ipſe eum*

ad tempus ex abundanti ſuſpendens cautela, deinde habitu prudentium conſilio virorum duxit refau- randum. Tu vero frater Epifcope, qui nunc Ildebenſis Eccleſia præſides, ipſum voluſisti manere ſuſpenſum, donec ſuper hoc recepturus conſilium, præſentiam noſtram adiret. Nos quoq; conſiderantes, quod idem B. cùm daret operam rei licita, ſecundum quod in jure cautum eſt, omne ſtudium adhibuit, dicens: Cave frater, ut dānum quodlibet evitares: atten- dentes etiam, quod ſuſpensus ad maiorem cautelam aliquamdiu fuſit, & nunc propter hoc ſpecialiter ad Sed. Ap. veniendo, in persona, & ſumptibus pro- priis laboravit: Consultationi tua taliter reponde- mus, per auctoritatem Ap. mandantes, ut predicitus B. ob hanc caſam non impediatur, quominus inte- grē ſuo reſtituuntur officio, & cum omni pace permit- tatur appellatione remota cum integritate beneficij miniftrare. Praterea volumus, ut quia predicitus B. proprietatem non habens, pro expensis itineris coa- ctus eſt pecuniam mutuare facias ei recompensatio- nem congruam expenſarum.

CAP UT XV.

Idem ^a Bisuntino.

EX literis tuæ fraternitatis accepimus, quod quidam monachus puer tuæ dioc. ad deponendum de campanili campanam ſubſerviens, quia forte lignum cor- ruit, ipſo momento in Eccleſia ſub campanili quandam oppreſſit puerum, & oc- cedit. Unde à nobis humiliter poſtulabas, quid tibi ſuper hoc eſſet faciendum, petens utcum ipſo miſericorditer diſpenſetur. Quocirca fraternitati tuæ per A. f. m. quat. ſi monachus ipſe rem neceſſariam agebat, & utilem, & in loco, per quem aliquem tranſire b non crederet, vel ibidem exiſtere, vel etiam illuc de conſuetudine vi- ſire, quando lignum moviſſe dignoſcitur, ſatis poterit, præſertim in monaſterio, ad altiores ordines promoveri.

NOTÆ.

- ^a **I**dem Bisuntino.) in tertia collectione, sub hoc titulo cap. 3. tantum legitur Idem de Bisunti- na diocesi nonnulla adduxi in cap. 39. de reſtitu- b & in cap. 14. de accuſat.

b Transire non crederet.) Unde omni culpa caruit, eti non proclamavit, juxta textum in I. ſipitator 31. ff. ad leg. Aquil. §. item ſi 5. Inſtit. de lege Aquil. I. leg. 7. ff. ad leg. Cornel. de ſcaris. Junctis traditis à D. Ioanne Suarez lib. 3. ad leg. Aquil. cap. 6.

CAPVT